



Broj: 01/5-50-1-6-17/08
Sarajevo, 21.5.2008.godine

Z A P I S N I K
17. sjednice Komisije za saobraćaj i komunikacije,
održane 13.5. i 21.5. 2008. godine

Sjednica je održana 13.5.2008., s početkom u 14,10 sati.

Sjednici su prisustvovali članovi Komisije:

1. Branko Dokić, predsjedavajući (13. i 21.5.)
2. Šemsudin Mehmedović (13. 5.)
3. Slavko Matić (13.5.)
4. Sadik Bahtić (13. i 21.5.)
5. Mehmed Suljkanović (13. i 21.5.)
6. Savo Erić (13. 5.)
7. Husein Nanić (13. i 21.5.)
8. Selim Bešlić (21.5.)

Opravdano je odsustvovala Snježana Rajilić.

Iz Ministarstva komunikacija i prometa BiH sjednici su prisustvovali: Veselin Poljašević, zamjenik ministra, Željko Knežević, pomoćnik ministra, i Namik Kupusović, koordinator u jedinici za implementaciju projekta Koridor Vc. Iz Pomorskog društva BiH prisustvovali su: Bakir Tanović, Ševal Kovačević, Abdulah Bašić i Ibrahim Bušatlija.

Sjednici je prisustvovao i sekretar Komisije za saobraćaj i komunikacije Ahmed Jalović.

Predsjedavajući je predložio sljedeći

D N E V N I R E D

1. Usvajanje Zapisnika 16. sjednice Komisije;
2. Razmatranje predloženih zaključaka 8. zajedničke sjednice Predstavničkog doma i Doma naroda Parlamentarne skupštine BiH povodom rasprave o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu;
3. Plan rada Komisije za saobraćaj i komunikacije Predstavničkog doma za 2008.godinu;
4. Informacija Regulatorne agencije za komunikacije BiH u vezi s imenovanjem direktora Regulatorne agencije za komunikacije BiH;
5. Tekuća pitanja:
 - a) Dopis Ad hoc komisije za pripremu izmjena i dopuna Poslovnika Predstavničkog doma, te prečišćenog teksta Poslovnika od 9.4.2008.;
 - b) Upoznavanje o inicijativi Pomorskog društva BiH za izmjenju južne konaktne tačke Koridora Vc.

Dnevni red jednoglasno je usvojen.

Ad. 1.

Zapisnik 16. sjednice Komisije jednoglasno je usvojen, bez primjedbi.

Ad. 2.

Predsjedavajući je istakao da bi trebalo razmatrati samo zaključke koji se odnose na tačku dnevnog reda 8. zajedničke sjednice oba doma Parlamentarne skupštine BiH i koji su u skladu s važećim zakonima, te predložio da se pročitaju svi zaključci zajedničke sjednice, a da se Komisija nakon toga odredi prema njima, što je jednoglasno prihvaćeno.

Predloženi zaključci 8. zajedničke sjednice Predstavničkog doma i Doma naroda Parlamentarne skupštine BiH povodom rasprave o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu glase:

Ilija Filipović

1. Parlamentarna skupština BiH neupitno se zalaže za zakonito i stabilno poslovanje javnih emitera i snažno podržava istinito, cjelovito, nepristrasno, pravedno i pravovremeno informiranje javnosti o svim događajima u Bosni i Hercegovini i ostvarivanje prava informiranja javnosti, ravnopravno na jezicima sva tri konstitutivna naroda u Bosni i Hercegovini u duhu međunarodnih i evropskih propisa i standarda, kao i odredbi Ustava BiH.
2. Parlamentarna skupština BiH smatra da je to bitan uslov ravnopravnosti naroda i građana Bosne i Hercegovine i jedan od temelja opstanka, samoodrživosti i dugoročne stabilnosti zemlje.
3. Parlamentarna skupština BiH obavezuje Vijeće ministara BiH da pokrene postupak osnivanja novog RTV kanala na hrvatskom jeziku, unutar Javnog RTV sistema BiH, na osnovu odredbi člana 9. stava 2. Zakona o javnom radiotelevizijskom sistemu BiH.

Momčilo Novaković

1. Parlamentarna skupština BiH vraća dokument „Stanje i plan konsolidacije BHRT-a“ na doradu predlagачu radi dopune sa jasnim mjerama za konsolidaciju stanja.
2. Parlamentarna skupština BiH traži od Vijeća ministara BiH da se uključi u rješavanje ovog problema te da da jasan stav o mjerama za konsolidaciju stanja.

Klub poslanika SDPBih

1. Obavezuje se Vijeće ministara BiH da, u saradnji sa UORTV servisa BiH, razmotri eventualna zakonska ograničenja i tehničke nedostatke za kvalitetniji i uspješniji rad RTV servisa BiH i predloži PSBiH konkretan plan mjera do kraja maja 2008. godine, te da se odmah pristupi konstituiranju korporacije kao nužnom i integrirajućem faktoru RTV servisa.
2. Parlamentarna skupština BiH podržava poziv novinara BiH te se ograđuje i osuđuje nasilničko ponašanje člana Parlamentarne skupštine BiH na novinara FTV i traži od Kolegija PDPSBiH i nadležnih parlamentarnih tijela da razmotre ovaj slučaj i primijene odgovarajuće mjere u skladu sa zakonom, Poslovnikom i drugim aktima Predstavničkog doma Parlamentarne skupštine BiH, te o tome izvijesti Predstavnički dom do kraja maja 2008. godine.
3. U vezi sa sve učestalijom praksom uskraćivanja informacija, prijetnji i fizičkih napada na novinare u BiH, PSBiH podržava poziv novinara BiH članovima PSBiH i najoštrije osuđuje takva ponašanja pojedinaca i institucija i učinit će sve što je u njenoj nadležnosti da osigura punu slobodu djelovanja

medija kao važnog faktora i preduslova prava građana na objektivno i slobodno informiranje kao osnovne pretpostavke za demokratizaciju bosanskohercegovačkog društva.

Milica Marković

1. Zadužuje se Upravni odbor i menadžment RTVBiH da uradi prioritetan plan izmirenja dugovanja RTVBiH prema revizorskom izvještaju, te način njegove realizacije i o tome obavijesti Parlamentarnu skupštinu BiH.
2. Zadužuje se Upravni odbor RTVBiH da, nakon utvrđenog Izvještaja Tužilaštva BiH i SIPA-e o provedenoj istrazi u ovoj kući, razmotri poziciju i odgovornost menadžmenta RTVBiH za nastalo stanje te shodno tome preduzme adekvatne mjere u okviru svojih nadležnosti.

Jerko Ivanković Lijanović

1. Obavezuje se vladajuća većina (šestorka) da u roku od 30 dana uputi u parlamentarnu proceduru izmjene i dopune Budžeta BiH u kojem će se osigurati 20.000.000 KM za finansijsku podršku Javnog RTV servisa BiH u 2008. godini.
2. Zadužuje se Upravni odbor Javnog RTV servisa da u roku od 30 dana dostavi program utroška predviđenih sredstava.

Adem Ibrahimpašić

1. U potpunosti provesti Zakon o javnom RTV sistemu i Zakon o RTV servisu. Za realizaciju ovog zaključka zadužiti Ministarstvo prometa i komunikacija BiH.
2. Zadužiti Vijeće ministara BiH da u narednih pet godina iz budžeta osigura 56.000.000 KM za ulaganje u digitalizaciju prijenosne i produkcione mreže.
3. Povećati RTV taksu na minimalno 10 KM radi stabilizacije poslovanja i sanacije dugova.

Klub SDA

1. Parlamentarna skupština BiH podržava Plan konsolidacije poslovanja BHRT-a predložen od menadžmenta i Upravnog odbora BHRT-a i zadužuje Vijeće ministara BiH da u projekcijama budžeta u narednim godinama planira neophodna sredstva za finansiranje mjera sanacije i razvoja – digitalizacije BHRT-a.
2. Zadužuje se predsjedavajući Upravnog odbora Javnog servisa da, zajedno s Odborom, ubrza provođenje Zakona o javnom RTV sistemu i Zakona o javnom RTV servisu, kako bi se hitno formirala korporacija i uspostavio ekonomski održiv sistem javnog emitiranja u skladu s navedenim zakonima i zahtjevom Evropske unije.
3. Parlamentarna skupština BiH traži od Upravnog odbora Javnog RTV servisa da predloži program mjera za uspostavljanje izbalansirane nacionalne zastupljenosti rukovodećeg, uredničkog i novinarskog kadra u cjelokupnom javnom RTV sistemu.
4. Parlamentarna skupština BiH traži od Vijeća ministara BiH da nastavi plaćati zakup satelita za potrebe BHRT-a.

Branko Dokić

1. Parlamentarna skupština BiH zalaže se za zakonito i stabilno poslovanje BHRT-a i snažno podržava istinito, potpuno, nepristrasno, pravedno, blagovremeno informiranje javnosti o svim događajima u Bosni i Hercegovini i ostvarivanje prava informiranja javnosti, ravnopravno na jezicima sva tri

konstitutivna naroda u Bosni i Hercegovini u skladu s međunarodnim i evropskim propisima i standardima, kao i odredbama Ustava BiH.

2. Parlamentarna skupština BiH zadužuje Upravni odbor i rukovodstvo BHRT-a da iskoriste sve zakonske mogućnosti da naplate potraživanja od entitetskih emitera.
3. Parlamentarna skupština BiH zahtijeva da Upravni odbor i rukovodstvo BHRT-a racionaliziraju poslovanje i iskoriste sve unutrašnje rezerve koje mogu dovesti do finansijske konsolidacije.
4. Parlamentarna skupština BiH poziva nadležne institucije u Bosni i Hercegovini da pomognu Javnom RTV sistemu BiH u procesu prelaska s analogne na digitalnu televiziju.

Velimir Jukić

1. Poziva se Vijeće ministara BiH da hitno pristupi izradi novog zakona o RTV sistemu i servisu BiH.

Zlatko Lagumdžija

1. Parlamentarna skupština BiH daje punu podršku tehničko-tehnološkoj obnovi (digitalizaciji) RTV BiH i traži od Vijeća ministara BiH i Upravnog odbora da, na osnovu prijedloga menadžmenta, uputi Parlamentarnoj skupštini BiH elaborat koji će biti osnova za izdvajanje države u skladu s evropskim standardima i vremenskom dinamikom.

Mirko Okolić

1. Zadužuje se Komisija za saobraćaj i komunikacije Predstavničkog doma i Komisija za vanjsku i trgovinsku politiku, carine, saobraćaj i komunikacije Doma naroda da:

- a) provede nepristrasnu anketu građana BiH, vodeći računa o jednakoj zastupljenosti sva tri konstitutivna naroda te o pravednoj zastupljenosti ostalih naroda (prilikom anketiranja) o gledanosti, uređivačkoj politici, kvalitetu programa, nacionalnoj strukturi zaposlenih itd. BHRT-a;
- b) izradu stručnu i kvalitetnu analizu pokrivenosti signalom BHRT-a cijele teritorije BiH.

2. Dobivene rezultate iskoristiti za daljnje usmjeravanje rada BHRT-a.

Niko Lozančić

1. Parlamentarna skupština BiH primila je k znanju informacije iz dokumenta "Stanje i plan konsolidacije poslovanja RTVBiH" te konstatira da je neophodno hitno pristupiti donošenju potpuno novog zakonodavnog okvira o javnom RTV sistemu i emiterima u BiH.
2. Obavezuje se Ministarstvo prometa i komunikacija BiH i Vijeće ministara BiH da u roku od tri mjeseca u parlamentarnu proceduru dostavi prijedlog potrebnih zakonskih rješenja.

Slavko Jovičić

1. Predstavnički dom zadužuje UO i menadžment BHRT-a da, u skladu s konstitutivnošću naroda i ravnopravnosti Srba, Hrvata, Bošnjaka i ostalih u BiH, što prije ispoštuje balans o nacionalnoj strukturi zaposlenih u ovom javnom (državnom) emiteru.“

Nakon rasprave u kojoj su učestvovali svi članovi Komisije, odlučeno je da predsjedavajući i sekretar Komisije pripreme zaključke koji su u raspravi dobili podršku članova Komisije, a da se zaključci razmatraju u nastavku sjednice, koji će se održati narednog dana u pauzi sjednice Predstavničkog doma.

Ad. 3.

Ahmed Jalovičić istakao je da je, prilikom usvajanja Orijentacionog radnog plana Komisije za saobraćaj i komunikacije za 2008.godinu, zaključeno da će se, nakon upoznavanja s Programom rada Vijeća ministara BiH za 2008., sačiniti Plana rada Komisije za 2008. godinu usklađen prema Programu rada Vijeća ministara BiH.

Plan rada Komisije za saobraćaj i komunikacije za 2008.godinu usvojen je jednoglasno.

Ad. 4.

Komisija je primila k znanju Informaciju Regulatorne agencije za komunikacije BiH u vezi s imenovanjem direktora Regulatorne agencije za komunikacije BiH.

Ad. 5.

a)

Ahmed Jalovičić ukazao je da se prijedlogom amandmana mijenja član 45. Poslovnika Predstavničkog doma i da se amandmanom preciziraju nadležnosti Komisije. Iz dosadašnjeg člana 45. briše se tačka b) „boravak i kretanje stranaca“, s obzirom da je, prilikom donošenja Zakona o kretanju i boravku stranaca i azilu, za nadležnu komisiju određena Zajednička komisija za ljudska prava, prava djeteta, mlade, imigraciju, izbjeglice, azil i etiku. Nadležnost ove zajedničke komisije određena je u skladu s članom 59. tačka c) Poslovnika Predstavničkog doma koji propisuje da ona razmatra i „pitanja koja se odnose na imigraciju, izbjeglice i azil“. Također se briše tačka „c) odnosi s Interpolom“, jer je u nadležnosti Zajedničke komisije za odbranu i sigurnost da razmatra i prati provođenje sigurnosne politike Bosne i Hercegovine.

Sjednica je prekinuta u 15,25 sati, a zaključeno je da se nerealizirane tačke dnevnog reda razmatraju u nastavku sjednice.

U nastavku sjednice, održanom 21.5.2008., s početkom u 12 sati, razmatrane su nerealizirane tačke dnevnog reda:

2. Razmatranje predloženih zaključaka 8. zajedničke sjednice Predstavničkog doma i Doma naroda Parlamentarne skupštine BiH povodom rasprave o tački: Poslovanje Javnog RTV servisa BiH i mjere za prevladavanje stanja utvrđenog revizorskim izvještajima o finansijskom poslovanju Javnog RTV servisa BiH za 2005. i 2006. godinu;

5. Tekuća pitanja:

- a) Dopis Ad hoc komisije za pripremu izmjena i dopuna Poslovnika Predstavničkog doma, te prečišćenog teksta Poslovnika od 9.4.2008.;
- b) Upoznavanje o inicijativi Pomorskog društva BiH za izmjenju južne konaktne tačke Koridora Vc.

Ad. 2.

Nakon rasprave u kojoj su učestvovali: Branko Dokić, Husein Nanić, Mehemed Suljkanović, Sadik Bahtić i Selim Bešliagić, Komisija je jednoglasno prihvatila zaključke koje upućuje Predstavničkom domu na usvajanje:

- 1. Predstavnički dom Parlamentarne skupštine BiH informiran je o sadržaju dokumenta "Stanje i plan konsolidacije poslovanja BHRT-a", te zadužuje Upravni odbor BHRT-a da u trećem kvartalu 2008. godine dostavi Parlamentarnoj skupštini BiH izvještaj o efektima preduzetih mjera

u vezi s revizorskim izvještajima i o programu mjera za dugoročnu finansijsku stabilizaciju BHRT-a.

2. Predstavnički dom Parlamentarne skupštine BiH zalaže se za zakonito i stabilno poslovanje BHRT-a i snažno podržava istinito, potpuno, nepristrasno, pravedno, blagovremeno informiranje javnosti o svim događajima u Bosni i Hercegovini te za ostvarivanje prava na informiranje javnosti, ravnopravno na jezicima sva tri konstitutivna naroda u Bosni i Hercegovini u skladu s međunarodnim i evropskim propisima i standardima, kao i odredbama Ustava BiH.
3. Predstavnički dom Parlamentarne skupštine BiH traži od Upravnog odbora Javnog RTV sistema BiH, kao i Upravnog odbora i rukovodstva BHRT-a da iskoriste sve zakonske mogućnosti da od entitetskih emitera naplate potraživanja BHRT-a po svim osnovama.
4. Predstavnički dom Parlamentarne skupštine BiH traži od Vijeća ministara BiH da nastavi plaćati zakup satelita i da interventno osigura sredstva za potrebe Javnog RTV sistema BiH na osnovu članstva u međunarodnim asocijacijama.
5. Predstavnički dom Parlamentarne skupštine BiH zahtijeva da Upravni odbor i rukovodstvo BHRT-a racionaliziraju poslovanje i iskoriste sve unutrašnje rezerve koje mogu dovesti do finansijske konsolidacije, te da se provedu sve preporuke Ureda za reviziju institucija BiH.
6. Predstavnički dom Parlamentarne skupštine BiH daje punu podršku tehničko-tehnološkoj obnovi Javnog RTV sistema BiH i poziva nadležne institucije u Bosni i Hercegovini da mu pomognu u procesu prelaska s analogne na digitalnu televiziju.
7. Predstavnički dom Parlamentarne skupštine BiH traži od upravnih odbora Javnog RTV sistema BiH i BHRT-a da, u skladu sa ustavnim odredbom o konstitutivnosti naroda i ravnopravnosti Srba, Hrvata, Bošnjaka i ostalih u Bosni i Hercegovini, što prije predloži program mjera za uspostavljanje izbalansirane nacionalne zastupljenosti rukovodećeg, uredničkog i novinarskog kadra u cjelokupnom Javnom RTV sistemu BiH.
8. Predstavnički dom Parlamentarne skupštine BiH zahtijeva od Upravnog odbora i rukovodstva BHRT-a hitne unutrašnje finansijske, tehnološke, kadrovske i programske reforme u skladu s planom restrukturiranja, Zakonom o Javnom RTV servisu BiH i drugim mogućnostima koje stoje na raspolaganju, a u skladu sa standardima i preporukama Evropske unije, kako bi se BHRT pripremio za uspostavu Korporacije javnih RTV servisa.

Osim navedenih zaključaka koji su prihvaćeni na osnovu predloženih zaključaka 8. zajedničke sjednice, Komisija je utvrdila i usvojila zaključke koji proizilaze iz rasprave na zajedničkoj sjednici, te ih upućuje Predstavničkom domu na usvajanje:

1. Idući ususret uspostavljanju Korporacije, zadužuju se upravni odbori BHRT-a i Javnog radiotelevizijskog sistema BiH da, u skladu s čl. 12. i 29. Zakona o Javnom RTV sistemu BiH, definišu organizacionu, tehnološku i proizvodnu ulogu organizacionih jedinica u Sarajevu, Banjoj Luci i Mostaru te broj zaposlenih u svakoj od njih.
2. Zaduju se upravni odbori BHRT-a i Javnog radiotelevizijskog sistema BiH da, najkasnije do kraja juna 2008.godine, usvoje dokumente za zaštitu javnih servisa od neuređenih i monopolističkih odnosa na marketinškom tržištu Bosne i Hercegovine i da Upravni odbor BHRT-a o tome informira Predstavnički dom Parlamentarne skupštine BiH najkasnije do polovine jula 2008.godine.

Ad. 5.

a)

Komisija je jednoglasno usvojila sljedeći amandman:

Amandman I.

Član 45. Poslovnika Predstavničkog doma mijenja se i glasi:

„(1) Komisija za saobraćaj i komunikacije razmatra pitanja koja se odnose na:

- a) putne isprave;
- b) uspostavljanje i funkcioniranje zajedničkih i međunarodnih komunikacija;
- c) reguliranje međunarodnog i međuentitetskog saobraćaja;
- d) civilno zrakoplovstvo;
- e) informaciono-komunikacione tehnologije;
- f) energetiku.

(2) Komisija razmatra i duga pitanja iz oblasti saobraćaj i komunikacija.

b)

Predsjedavajući je podsjetio da je Komisiji dostavljena inicijativa Pomorskog društva BiH za izmjenu južne kontaktne tačke Koridora Vc, te dao riječ predsjedniku Pomorskog društva BiH.

Bakir Tanović istakao je da Pomorsko društvo predlaže da se dionica Koridora Vc od Mostara – sjever izgradi na lijevoj strani rijeke Neretve i to u pravcu Neuma, a da na granici s Hrvatskom južna kontaktna tačka bude na lokalitetu Brestica u neumskom zaleđu. Na ovaj način luka Ploče bila bi povezana najkraćim putem i s hrvatske strane s Koridorom Vc, a određujući ovu kontaktnu tačku istovremeno bi se omogućilo da Bosna i Hercegovina koristi svoje more izgrađujući luku na poluotoku Klek. Pošto se radi o prvorazrednom državnom interesu, mišljenja je da bi Bosna i Hercegovina trebalo da koristi svoje prirodne resurse, pa time i svoje more. Ukazao je da mu nije poznato zbog čega nije prihvaćeno da kontaktna južna tačka između Hrvatske i Bosne i Hercegovine bude Dračevo kod Metkovića, koja predviđa da Koridor u ovom slučaju prolazi kroz Hrvatsku na liniji Ploče – Opuzen – Metković. Stav Pomorskog društva je da je neophodno izdvojiti sredstva za idejni projekat trase Koridora Vc Mostar – sjever do Brestice kao južne kontaktne tačke s Hrvatskom, te da se preko državnih institucija pokrene spor na sudu u Hamburgu po pitanju morskih granica s Hrvatskom i izgradnje mosta Komarna – Pelješac.

Namik Kupusović ukazao je da je u Studiji izvodljivosti Koridora Vc stručno utvrđeno da je optimalno rješenje za Koridor ona trasa koja je usvojena, te da su i međunarodni eksperti dali pozitivno mišljenje o trasi. Za dionicu Koridora Vc južna granica-Počitelj u Studiji je predviđeno da bi trebalo da bude završena do 2012.godine. Istakao je da za područje oko Dračeva i južno od Čapljine postoji zabrana gradnje, jer je ovu zonu Hrvatska proglasila zaštićenom. Predložio je da Komisija dostavi inicijativu Ministarstvu komunikacija i prometa BiH, kako bi Ministarstvo o njoj dalo mišljenje.

Nakon rasprave u kojoj su učestvovali: Ševal Kovačević, Abdulah Bašić, Ibrahim Bušatlija, Husein Nanić, Branko Dokić, Selim Bešlagić, Mehmed Suljkanović i Sadik Bahtić, Komisija je jednoglasno usvojila sljedeće zaključke:

1. Traži se od Ministarstva komunikacija i prometa BiH da Komisiji dostavi mišljenje o inicijativi Pomorskog društva BiH za izmjenu južne kontaktne tačke Koridora Vc.
2. Potrebno je Kolegiju Predstavničkog doma dostaviti inicijativu Pomorskog društva BiH i obavijestiti ga da je o njoj zatraženo mišljenje Ministarstva komunikacija i prometa BiH.

Sjednica je završena u 13,25 sati.

SEKRETAR KOMISIJE
Ahmed Jalović

PREDSJEDAVAJUĆI KOMISIJE
dr. Branko Dokić